

*Tarikh dibaca: 19 Julai 2019M / 16 Zulkaedah 1440H*

# **KHUTBAH JUMAAAT**

*Tajuk:*

**“PERJUANGAN AKIDAH  
KESEJAHTERAAN UMMAH”**

\*\*\*

*Terbitan:  
Unit Khutbah  
Bahagian Pengurusan Masjid  
JABATAN AGAMA ISLAM SELANGOR*



## “PERJUANGAN AKIDAH KESEJAHTERAAN UMMAH”

الْحَمْدُ لِلَّهِ الْقَائِلٍ: وَإِنَّ هَذَا صِرَاطٌ مُسْتَقِيمًا فَاتَّبِعُوهُ وَلَا  
تَتَّبِعُوا أَلْسُنُ الْفَرَقَ بِكُمْ عَنْ سَبِيلِهِمْ ذَلِكُمْ وَصَنْكُمْ بِهِ  
لَعَلَّكُمْ تَتَّقُونَ<sup>1</sup>

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ  
مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا  
مُحَمَّدٍ وَعَلَى ءالِهِ وَأَصْحَابِهِ أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ  
وَإِيَّاهُ يَتَّقُوا اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:  
يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ  
مُسَلِّمُونَ.

**Muslimin yang dirahmati Allah sekalian,**

Bersempena hari Jumaat yang mulia ini, marilah sama-sama kita meningkatkan ketakwaan kepada Allah SWT dengan mengerjakan segala perintah-Nya serta menjauhi segala larangan-Nya. Mudah-mudahan Allah

<sup>1</sup> Al-An'am : 153.



SWT memberkati kehidupan ini dengan limpahan nikmat, hidayah dan keredaan yang berpanjangan seterusnya kejayaan di dunia dan di akhirat.

Tajuk khutbah pada hari ini adalah **“PERJUANGAN AKIDAH KESEJAHTERAAN UMMAH.”**.

**Hadirin yang dikasihi Allah sekalian,**

Akidah Islam secara khusus memberi maksud keyakinan terhadap enam rukun iman yang terdiri daripada kepercayaan kepada Allah SWT, para malaikat, kitab-kitab, para rasul, hari kiamat serta qadak dan qadar. Kesemua kepercayaan ini perlu ditetapkan di dalam hati, dilafazkan dengan kata-kata dan dilaksanakan dengan amalan. Akidah mampu melahirkan keyakinan yang kuat serta teguh di dalam menghayati seluruh aspek kehidupan dan amal ibadat kepada Allah.

**Hadirin yang berbahagia,**

Apakah asas akidah Islam? Asas akidah Islam ialah mentauhidkan Allah SWT dalam kepercayaan, ibadah dan akhlak. Justeru, kita hendaklah yakin akidah diibaratkan sebagai akar tunjang yang tumbuh lurus ke bawah menusuk ke dalam tanah untuk menguatkan pendirian pokok. Manakala syariat atau fiqah diibaratkan sebagai dahan-dahan pokok serta akhlak diibaratkan sebagai hasil buah-buahannya. Firman Allah SWT di dalam surah Ibrahim ayat 24-25:



أَلَمْ تَرَ كَيْفَ ضَرَبَ اللَّهُ مَثَلًا كَلِمَةً طَيِّبَةً كَشَجَرَةٍ طَيِّبَةً أَصْلُهَا ثَابِتٌ وَفَرْعُهَا فِي السَّمَاءِ ﴿٢٤﴾ وَيَضْرِبُ اللَّهُ الْأَمْثَالَ لِلنَّاسِ لَعَلَّهُمْ يَتَذَكَّرُونَ

“Tidakkah engkau melihat (wahai Muhammad) bagaimana Allah mengemukakan satu perbandingan, iaitu: kalimah yang baik adalah sebagai sebatang pohon yang baik, yang pangkalnya (akar tunjangnya) tetap teguh, dan cabang pucuknya menjulang ke langit. Dia mengeluarkan buahnya pada tiap-tiap masa dengan izin Tuhan. Dan Allah mengemukakan perbandingan-perbandingan itu untuk manusia, supaya mereka beringat (mendapat pelajaran)”.

### Para tetamu Allah sekalian,

Aqidah Ahli Sunnah Waljamaah yang dikembangkan oleh Imam Abu Hassan al-Asyhari dan Imam Abu Mansur al-Maturidi adalah akidah yang diwarisi daripada generasi al-Salafus Soleh yang berdasarkan al-Quran dan al-Sunnah. Imam Abu Hassan al-Asy'ari telah berjaya meruntuhkan penguasaan pemikiran Muktazilah yang menggunakan akal semata-mata. Oleh itu, Imam Abu Hassan al-Asy'ari dinobat sebagai mujaddid kurun ketiga selepas mujaddid kurun pertama iaitu Khalifah Umar Abdul Aziz dan mujaddid kurun kedua iaitu Imam asy-Syafie. Sesungguhnya ketiga-tiga mereka ini adalah tokoh yang berjaya menghidupkan kembali ajaran berpandukan sunnah Rasulullah SAW yang hampir loput serta menyimpang akibat perbuatan bidaah kelompok-kelompok yang menyeleweng.



Ahli Sunnah Waljamaah merupakan aliran yang bersifat wasatiyyah iaitu pertengahan, sederhana, tidak melampau sama ada berlebihan atau berkurangan. Ianya di pertengahan antara kelompok Qadariah yang mengatakan manusia mempunyai kuasa mutlak terhadap perbuatannya dengan kelompok Jabariah yang mengatakan manusia tidak mempunyai kuasa langsung dalam menentukan perbuatannya. Ianya di pertengahan antara kelompok literalis yang bergantung sepenuhnya dengan zahir nas-nas syarak dengan kelompok rasionalis yang bergantung sepenuhnya dengan akal. Ianya di pertengahan antara kelompok Mushabbihah serta Mujassimah yang menyerupakan sifat Allah dengan sifat-sifat makhluk dengan kelompok Mu'attilah yang menafikan sifat-sifat yang selayaknya bagi Allah SWT.

Penyatuan masyarakat di bawah satu pegangan akidah hakikatnya adalah asas kepada kesejahteraan ummah. Perkara ini dibuktikan dahulunya bahawa masyarakat Islam di Tanah Melayu atau Nusantara ini hidup sejahtera, harmoni serta bahagia sehingga datangnya pelbagai fahaman Islam lain yang memporak-perandakan keadaan. Hampir semuanya atau majoriti masyarakat Nusantara ini berakidah menurut Imam Abu Hassan al-Asy'ari, bermazhab fiqah Imam asy-Syafie dan bertasawuf Imam al-Ghazali sesuai dengan praktik agama Islam terhadap tiga tiang asasnya iaitu Iman (akidah), Islam (fiqh) dan Ihsan (tasawuf).

### **Muslimin yang dirahmati Allah sekalian,**

Hadis yang diriwayatkan daripada Abu Al-Darda' Radhiyallahu Anhu bahawa Rasulullah SAW bersabda:



مَا مِنْ ثَلَاثَةٍ فِي قَرْيَةٍ وَلَا بَدْوٍ لَا تُقَامُ فِيهِمْ  
الصَّلَاةُ إِلَّا قَدْ اسْتَحْوَذَ عَلَيْهِمُ الشَّيْطَانُ فَعَلَيْكَ  
بِالْجَمَاعَةِ فَإِنَّمَا يَأْكُلُ الذِّئْبُ الْقَاصِيَةَ

“Sekiranya ada tiga orang di suatu kota atau desa yang tidak didirikan solat (berjemaah) di kalangan mereka nescaya mereka akan dikalahkan oleh syaitan. Maka, berjemaahlah kamu kerana sesungguhnya serigala hanya makan mangsa yang terpisah.”

(Riwayat Daud).

Hadis di atas selain memberi maksud keperluan solat berjemaah di sebuah penempatan ianya turut menjelaskan keperluan hidup secara berjemaah. Sesungguhnya jemaah adalah asas kekuatan ummah. Segala aspek kehidupan sama ada sosial, ekonomi, politik, teknologi atau sebagainya akan menjadi utuh dengan perpaduan jemaah. Perpaduan yang wujud dapat menyerlahkan kekuatan serta kestabilan sebuah umat. Bagi umat Islam, akidah merupakan asas kepada penyatuan dan kekuatan ummah.

Duli Yang Maha Mulia Sultan Selangor, Sultan Sharafuddin Idris Shah di dalam Istiadat Pengurniaan Watikah Pelantikan Imam-Imam Masjid Selangor di Balairung Seri, Istana Alam Shah pada 8 Mac 2019 yang lalu mengungkapkan kebimbangan akan penularan ajaran sesat di negeri Selangor. Baginda bertitah mengingatkan: “*Bagi mengatasi ancaman ini, Beta menitahkan supaya pengajian akidah berteraskan Ahli Sunnah Waljamaah perlu diajar dan dipertingkatkan di masjid agar fahaman Ahli*



*Sunnah Wal Jamaah terus menjadi asas pegangan kepada umat Islam di negara ini”.*

### **Hadirin yang berbahagia,**

Jelaslah bahawa akidah bukan sahaja dilihat mampu berperanan membentuk insan sempurna, tetapi akidah berperanan menatijahkan ummah sejahtera serta negara harmoni dan bahagia. Bahkan, akidah yang sahih mampu menjamin kebahagiaan serta kesejahteraan manusia bukan hanya di dunia tetapi sehingga ke akhiratnya.

Mengakhiri khutbah pada kali ini, khatib menyeru dan mengajak seluruh umat Islam supaya menghayati beberapa pengajaran berikut untuk dijadikan sebagai pedoman hidup kita:

1. Umat Islam wajib berpegang teguh dengan akidah Ahli Sunnah Wal Jamaah bagi menjamin kesejahteraan dan kejayaan hidup di dunia dan di akhirat berteraskan akidah Islam.
2. Umat Islam mestilah bersatu padu berteraskan akidah Islamiah sebagai asas kekuatan serta kesejahteraan ummah.
3. Umat Islam hendaklah sentiasa berwaspada terhadap sebarang ajaran sesat, menyeleweng dan menyalahi Ahli Sunnah Wal Jamaah yang boleh membawa kerosakan dan perpecahan.



أَعُوذُ بِاللَّهِ مِنَ الشَّيْطَنِ الرَّجِيمِ  
يَأَيُّهَا الَّذِينَ ءَامَنُوا أَطِيعُوا اللَّهَ وَأَطِيعُوا رَسُولَ اللَّهِ وَأُولَئِكَ الْأَمْرِ  
مِنْكُمْ فَإِن تَنَزَّعُمْ فِي شَيْءٍ فَرُدُّوهُ إِلَى اللَّهِ وَرَسُولِ اللَّهِ إِن كُنْتُمْ  
تُؤْمِنُونَ بِاللَّهِ وَالْيَوْمِ الْآخِرِ ذَلِكَ خَيْرٌ وَأَحْسَنُ تَأْوِيلًا

“Wahai orang-orang yang beriman, taatlah kamu kepada Allah dan taatlah kamu kepada Rasulullah dan kepada "Ulil-Amri" (orang-orang yang berkuasa) dari kalangan kamu. Kemudian jika kamu berbantah-bantah (berselisihan) dalam sesuatu perkara, maka hendaklah kamu mengembalikannya kepada (Kitab) Allah (Al-Quran) dan (Sunnah) Rasul-Nya - jika kamu benar beriman kepada Allah dan hari akhirat. Yang demikian adalah lebih baik (bagi kamu), dan lebih elok pula kesudahannya”.

(al-Nisa': 59).

بَارَكَ اللَّهُ لِيْ وَلَكُمْ فِي الْقُرْآنِ الْعَظِيْمِ، وَنَفَعَنِي  
وَإِيَّاكُمْ بِمَا فِيهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ  
مِنِّي وَمِنْكُمْ تِلَاوَتُهُ، إِنَّهُ وَهُوَ السَّمِيْعُ الْعَلِيْمُ.  
أَقُولُ قَوْلِيْ هَذَا وَأَسْتَغْفِرُ اللَّهَ الْعَظِيْمَ لِيْ وَلَكُمْ  
وَلِسَائِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِذَا هُوَ  
الْغَفُورُ الرَّحِيْمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ。أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّداً عَبْدُهُ وَرَسُولُهُ。اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَاحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ。أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيْكُمْ وَإِيَّاَيْ بِتَقْوَى اللَّهِ فَقَدْ فَازَ الْمُتَّقُونَ。

وَقَالَ اللَّهُ تَعَالَى : إِنَّ اللَّهَ وَمَلَائِكَتَهُ يُصَلِّونَ عَلَى النَّبِيِّ يَتَّبِعُهَا الَّذِينَ ءَامَنُوا صَلَوَأْ عَلَيْهِ وَسَلِّمُوا تَسْلِيمًا。اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ الْمُرْسَلِينَ وَارْضِ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِي الْحَاجَاتِ。اللَّهُمَّ أَعِزُّ



الإِسْلَامُ وَالْمُسْلِمِينَ، وَأَهْلِكِ الْكَفَرَةَ وَالْمُبْتَدِعَةَ  
وَالْمُشْرِكِينَ وَدَمِرَ أَعْدَاءَكَ أَعْدَاءَ الدِّينِ. وَانْصُرْنَا  
عَلَى الْقَوْمِ الْكَافِرِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِاسْمَائِكَ الْحُسْنَى، وَصِفَاتِكَ الْعُظْمَى، أَنْ  
تَحْفَظْ بِعِينِ عِنَايَتِكَ الرَّبَّانِيَّةَ، وَبِحَفْظِ وِقَائِتِكَ  
الصَّمَدَانِيَّةَ، جَلَالَةَ مَلِكِنَا الْمُعَظَّمِ، سُلْطَانَ  
سلاَّعُورَ، سُلْطَانَ شَرْفِ الدِّينِ ادْرِيسَ شَاهَ الْحَاجَ  
ابنِ الْمَرْحُومِ سُلْطَانَ صَلَاحِ الدِّينِ عَبْدِ الْعَزِيزِ شَاهَ  
الْحَاجِ. اللَّهُمَّ أَدِمْ الْعَوْنَ وَالْهِدَايَةَ وَالتَّوْفِيقَ،  
وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سلاَّعُورَ، تَعْكُو  
أَمِيرَ شَاهِ ابْنِ السُّلْطَانِ شَرْفِ الدِّينِ ادْرِيسِ شَاهِ  
الْحَاجِ، فِي أَمْنٍ وَصَلَاحٍ وَعَافِيَةٍ بِمِنْكَ وَكَرَمِكَ يَا  
ذَا الْجَلَالِ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ  
لِلْمُوَظَّفِينَ وَالرَّعِيَّةِ وَالْبِلَادِ، وَبِلْغْ مَقَاصِدَهُمَا لِطَرِيقِ  
الْهُدَى وَالرَّشَادِ.



Ya Allah, Engkaulah Tuhan yang Maha Berkuasa, kami bersyukur kehadrat-Mu yang telah mengurniakan rahmat dan keberkatan kepada negeri ini yang terus sejahtera dan maju, serta rakyatnya bersatu padu, dibawah naungan dan pimpinan raja kami sebagai Ketua Agama Islam di negeri ini.

Justeru kami pohon kehadrat-Mu ya Allah, tetapkanlah iman dan pegangan kami kepada Ahli Sunnah Wal-Jamaah, peliharalah kami daripada ajaran yang terkeluar daripada Islam seperti Qadyani dan ajaran-ajaran yang difatwakan sesat seperti Syiah. Ya Allah, Ya Rahman, Ya Rahim, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat dan lindungilah kami daripada bala bencana. Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf dan menginfakkan harta melalui Perbadanan Wakaf Selangor dan Tabung Amanah Pembangunan Islam Selangor.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَأَجْعَلْنَا<sup>١</sup>  
لِلْمُتَّقِينَ إِمَامًا. رَبَّنَا إِاتِنَا فِي الدُّنْيَا حَسَنَةً وَفِي الْآخِرَةِ حَسَنَةً  
وَقِنَا عَذَابَ النَّارِ



عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي  
الْقُرْبَىٰ وَيَنْهَا عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ  
لَعَلَّكُمْ تَذَكَّرُونَ ﴿٩﴾

فَادْكُرُوا اللَّهَ الْعَظِيمَ يَذْكُرُكُمْ وَاسْكُرُوهُ عَلَى نِعَمِهِ  
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ  
أَكْبَرُ وَاللَّهُ يَعْلَمُ مَا تَصْنَعُونَ.

\*\*\*\*\*